

唐
音
統
籤

幸籤一樂章之六

唐音統籤卷九百三

享隱太子廟樂章五首

唐書高祖太子建或

太宗王追封惠王

曰隱太子六軍追贈太

子恪性牢樂懸今自隱

太子廟子孫主祭有

樂章存餘三惠莊惠文惠

宣無攷

誠和迎神送神同

誠和迎神送神同

道闕鴈關運經鳩里門集大命俾歌嘉祀禮亞六

瑚誠彈二簋有誠顯若神斯戾止

肅和登歌奠玉帛

歲肇春杳乾開震長瑤山既寐戾園斯事玉肅其

事物昭其象修誦成周笙歌合響

雍和迎神

明典肅陳神居邃起春伯聯事秋官相礼有來雍
之登歌濟、頌維主豐庶款芳醴

舒和送文舞出迎武舞入

三縣已判歌鍾列六佾將開羽鉞分尚想燕飛來
蔽日終疑鶴景降凌雲

凱安武舞

天步昔將開商郊初欲踐
我金陣廓貳極瑤圖
闡鷄戟遂崇像龍樓期好善
弄兵隨震業啟聖隆
祠典

隱太子廟舊樂章二首

唐書樂志曰太樂舊有此詞不詳所出

迎神

蒼震有位黃離蔽明江亢禍倍戾據穴成衛寃昔
痛贈典今榮享靈有秩奉樂以迎

送神

皇情悼往祀議增設鐘鼓鏗鏘羽旄昭晰掌祀云
備司筵告撤樂以送神靈其鑒闕

孝敬帝廟樂章

唐書高宗太子弘上元三年遇醜薨諡孝敬皇帝中宋時

附太廟号義宋開元中罷樂章九首二永
和太和甫和二雍和舒和觀安詞同貞現
太廟承和舞見前中
宋享敬廟不重錄

章懷太子廟樂章五首

唐高宗太子賢調

州武后迫令自殺唐肅宗時追贈皇太子謚

異為

迎神

副君昭象道應黃離銅樓構德玉裕成規仙氣竊
靈從師、前驅戾止控鶴來儀

登歌酌菴

忠孝永著羽翼先成寢門昭德馳道為程幣帛有
典容衛無声司存既肅廟享惟清

迎俎酌獻

通三暢備明兩承英太山比赫伊水聞笙宗祀是
寄禮樂其享嘉辰薦俎以發殷明

送文舞迎武舞

羽籥崇文禮以畢干鉞奮武事將行用捨繇來其
有致壯志宣威樂太平

武舞

侯林戡炎曆黃虞格有苗沙塵驚塞外帷幄命栗
姚七德于戈止三邊雲霧消寶祚長無極歌舞盛
今朝

送神

詞同隱
太子廟

懿德太子廟樂章五首

唐書中宗子重潤高宗

失位貶庶人為武后所殺神龍初追贈太子及謚王廟製樂章

迎神

甲觀昭祥画堂升位禮絕羣后望尊儲貳啟誦慚

德莊玉掩粹伊浦鳳翔候峰鶴至

登歌酌匏

舉闡元儲寄崇明兩玉裕雖悔銅樓可思修誦輟

音笙歌罷響帶帛言設礼容無爽

迎俎酌獻

雍々盛典肅々靈祠賓天有聖對日無期飄飄羽

服擊曳雲旗，眷信言主。聖心乎愴茲。

送文舞迎武舞

八音協奏，陳金石六佾。分行整禮，容滄溟赴海還。
稱以素月，開輪即是重。

武舞作

隋季昔云終，唐軍初啟聖。纂戎將禁暴，崇儒更
敷政。累靜三邊，仁恩覃萬姓。

送神

詞同隱
太子廟

節愍太子廟樂章五首

唐書中宗子重俊，神龍二年，立為太子。

明軍以兵誅武三思父子，被殺。

睿宗加贈諡立廟，製樂章。

迎神

儲后望崇元良寄切寢門是仰馳道不絕仙袂雲
會靈旗電晰煌煌而來禮物攸設

登歌酌鬯

灼灼重明仰承元首旣賢且哲惟孝与友惟孝雖
邈靈規不朽祀亘誠致備潔玄酒

迎俎酌獻

嘉薦有典至誠莫賽画梁雲亘雕俎星連樂器周
列禮容憐宣依稀如在若未賓天

送文舞出迎武舞入

邕、闡化憑文德赫、宣威籍武功既執羽旄先
拂吹還持玉鉞更揮空

武舞作

武德諒雅、由來掃寇戎劍光揮任電旗影列成
虹霧廓三邊靜波澄四海同康國今已盛相共舞

皇風

送神詞同德

讓皇帝廟樂章

唐高宗王憲睿宋長子也以
名宋友愛甚篤薨追謚讓皇帝
立廟吏部侍郎李紆製樂章

迎神

皇矣天宗德先王季因心則友克讓以位爰命有
司式遵前志神其降靈昭饗祀事

奠幣

惟帝時若去而上仙祀用商武樂備宮懸白壁加
薦玄纁告虔子孫祔後承茲吉蠲

迎俎

祀盛祓薦礼協策盛方周假廟用魯犧牲擇徹祗
敬擊拊和鳴受釐歸胙既戒而平

酌獻

八音具舉三壽既暨潔茲宗彝瑟彼圭瓚蘭肴重

錯耕解飄散降昨惟城永為藩翰

亞獻終獻

秩禮有序和音既同九儀不忒三揖將終孝感藩
后相維辟公四時之典永無窮

送神

奠獻已事昏昕載分風搖雨散靈衛綢繆龍駕帝
服上騰五雲津宮復閤屏翼無聞

又敬太子廟樂章

唐書順宗之子諱德宗愛
命為太子封邕王年十

八薨追贈太子謚又
敬陵及廟置令丞焉

請神

觴牢具品管磬有節祝道黃龍神像昭晰桐圭早
貴象輅追設聲達樂成降歆豐潔

登歌

陳京作

歌以德發聲以樂貴樂善名存追仙祀異驚旌拱
修鳳鳴合吹神聽皇慈仲月皆至

迎俎酌獻

馮伉作

撰日瞻景誠陳樂張祀容秩、羽舞煌、肅將滌
濯祗薦芳芳永錫繁祉思深饗靈

送文舞迎武舞

不詳作者

干旄羽翬相虧蔽一進一退殊行假昔獻三雍盛

禮容全陳六佾崇像制

亞獻終獻崔郊作

醴齊泛罇彝軒驟動于戒入室優如在升階度所
歷舊疾合戒容定利舒鍛擇方崇廟貌祀永被君
恩錫

送神張薦作

三獻具舉九旗將旋追勞表德罷享賓天風引仙
管堂虛画筵芳馨常在瞻望億然

惠昭太子廟樂章六首唐書憲宗子寧元和四年立為太子明年

覽左散騎常侍歸
登等製廟樂詞

請神歸登作

嘉薦既陳祀事孔明聞歌在堂萬舞在庭外則盡
物內則盡誠鳳笙如聞歌其潔精

登歌杜羔作

因心克孝位震遺豸賓天道茂軫懷氣分發祗乃
祀嘏嘏如聞二歌斯升以詠德薰

迎俎酌獻李逢吉作

既潔酒醴聿陳熟腥肅將震念昭格儲靈展矣
典薰然德馨情之管磬之具是聽

送文舞出迎武舞入孟簡作

宣、金石容既缺肅、羽駕就行列候山道傳昔
所聞廟庭進今攸設

亞獻終獻裴度作

重輪始發祥萬曹方興學冥然紫府鏗爾薦清
樂奠掌致馨香在庭紛羽籥祀成神既醉芳鬋
山鶴

送神王涯作

威儀畢陳備樂將闌苞茅酒宿管蕭香徹宮臣展
事肅雍在列迎精送往厥鑒昭晰

悼懷太子廟樂章六首

名晉敬宗子以下
二面樂章目載文獻

通政詞
史傳

莊恪太子廟樂章六首

名永文宗子
中裴徽章
唐書則天光宅

伶事

武氏崇先廟樂章一首

追王五世祖克已
唐書則天崇先廟
武氏崇先廟樂章一首

公高祖居常以下為王立崇先廟
御武成殿造冊其樂章則天御撰

先德謙偽冠皆嚴規節素超今奉國忠誠每竭承

家至孝純深追崇懼乖尊意顯輝盛沾徽音既追

王公屢請方乃俯遂羣心有限無繇展敬奠醑每

關親斟大禮虔申典冊蘋藻敬薦翹襟

韋氏褒德廟樂章

唐書樂志曰神龍中中宗
為皇后韋氏祖攷立廟曰

褒德樂詞

並內出

昭德迎神

道赫格宮悲盈萬里爰賜徽烈載敷嘉祀享洽四
時規陳二簋靈應昭格神其戾止

建德登歌

塗山懿戚媽汭崇姻初筵肇啟祭典方申礼以備
物樂以威神用隆敷叙載穆彛倫

褒德姐入

家著累仁門昭積善瑤篚既列金縣式展

舞曲

昭々竹殿開奕々蘭宮啟懿範隆丹掖殊榮闢朱

郎六僧薦徽容三簋陳芳醴萬石覃貽願分珪案
祖禰

彰德亞獻及送神

名隆五嶽秩映三台爰祠已備晬景方迴

辛籤一樂章之七

唐音統義卷九百三

功成慶善樂舞辭唐樂府詩集云一曰九功舞

新唐書禮樂志太宗生武功慶善宮貞觀

六年幸文安賜閑里賦詩命呂才按律被

管得名功成慶善樂冬至宴及

國有大慶舞七德舞借養于庭

壽丘唯舊跡邑乃前基粵余承累聖懸弧必在

茲弱齡逢運改提劍鬱佳時指麾八荒定懷柔萬

國夷梯山盛入款駕海岳來思覃于陪武帳日逐

衛文縲端宸朝四岳無為任百司霜節明秋景輕

冰結水涵芸黃通原隰永賴積京坻共樂還譙宴

歡此大風詩

小破陣樂詞

太宗之破陣樂

破陣樂師七德舞太宗造詞七

詞張說撰進

漢兵出頓金微昭日光明鐵衣百里火情焰々千

行雲騎霏々威臨遼河自竭鼓譟燕山可飛正屬

西方朝賀瑞知萬舞皇威

少軍膽氣凌雲共許驍雄出羣匹馬城西挑戰單

力剴北從軍一鼓鮮卑送款五餌單于解紛塔欲

成名報國羞將開閣論勲郭茂倩樂府載有詞云

征人暫別家千里不辭行路遠時先單晚到天涯

此亦當時採入小破陣樂曲非太宗時曲詞也近

有作太

宗者誤

中和樂舞辭

唐會要曰貞元十四年德宗以中和樂舞中成八卦

又叙其舞曰

朕以中春之首紀馬令節象中

和之客作中
獻繼天誕聖
樂而作也

芳歲肇佳節物華當仲春乾坤既昭泰煙景含氣

氤德洩荷玄貺樂成思治人前庭列鐘鼓廣殿延

羣臣八卦隨舞意五音轉曲新顧非咸池奏庶協

南風薰式宴礼所重決歡情必均同和諒在茲萬

國希可親

凱樂歌辭

樂志曰唐凱樂舊無倣注太常有

三軍始具儀注又補撰二曲為四曲云
按四曲載曰唐書而劉禹錫集亦有樂為

錫所拱
進欽

破陣樂

受律辭元首相將討叛臣咸歌破陣樂共賞太平人

應聖期

聖德期昌運雍熙萬寓清乾坤資化育海嶽共休明闢土欣耕稼銷戈遂偃兵殊方歌澤^帝渾執贄賀昇平

賀聖歡

四海皇風被千年德永清我衣更不著今日告功

成

君臣同慶集

主聖開昌歷臣忠奉大猷君看偃革後便是太平
秋

挽歌辭

則天后
崔融撰

甯陳虛禁桓夕臨空山陰日月昏尺景天地慘何
心紫殿金鋪溢黃陵玉座深鏡奩長不啟聖主淚
沾巾

前殿臨朝罷長陵合葬歸山川不可望文物盡成
非陰月靈中道軒星落太微空餘天子孝松上景

雲飛

又

中保
賈曾撰

新命平齡啟鴻圖累聖餘天行應潛曜帝出受圖
書礼若傳克舊功疑復夏初夢游長不返何國是
華胥

又

多宋
鄭丹撰下同

律曆千軍會車書萬里同國期常戴日豈意厥觀
風地慘新疆理域摧舊戰功山河萬古壯今夕盡
歸空

又
肅宗

國以重明受天從諒閣移諸侯方北面白日又西

馳龍影當泉落鴻名向廟垂永言青史上還見戴

無為

高仲武云寔應中并獻此雖不及事朝廷嘉之

又

德宗武元衡撰

道啟軒皇聖威揚夏禹功謳歌亭育外文武盛明
中日月光連壁煙塵屏大風為人祈福履臺榭与

天通

聖曆綿勤政瑞圖慶運長壽宮開此地仙駕渺何
御風斷清笳調雲慈綠柳揚上升知平恨弘濟勉
戒王

雲間閣闔前星拱北辰
錄今來大明祖輦駕橋山
曲松栢韻幽音
魚龍焰寒燭歲二秋
風舞北人歌
不足

又 德宗
白居易撰

執象宗多祖
貽謀啟壽孫
文高栢梁殿
禮薄灞陵
原京仗辭天
闕朝儀出國門
生成平可報
二十七
軍恩

虞帝南巡後
殷宗諒闡中
初辭鑄鼎地
已閉望仙
宮曉諾雷陵
月秋生滿旆
風前星帝座
不使北
飛空

業大承宗禮功成付子孫
睿文詩播樂遺訓史標言
節表中和德方岳廣利恩
懸知千載後理代敷貞元

夢減三齡壽哀延七月期
寢園愁望遠宮仗哭行
遲雲日添寒慘笳簫向晚悲
因山有遺詔如葬漢文時

又德宗

劉禹錫撰

出震清多難乘時播大鈞
操修調六氣揮翰動三
辰運偶升天日哀深率王人
臨池無轍跡誰見屬車塵

風翼擁鉉旌威遲異昔行漢儀陳秘器楚挽明繁
教駐縑辭清廟凝笳背直城唯應囑內傳知是向
蓬瀛

又
順宗
武元衡撰

橋山同軌會軒后薜衣冠東海風波變西陵松柏
攢鼎湖仙已去金掌露寧乾萬古泉扃月空憐鳬
雁寒

容衛曉徘徊衆城闔闔開烏號龍馭遠過衆鳳聲
哀崑崙浪黃河注崦嵫白日顏恭聞天子孝不忍望
銅臺

哀挽渭川曲空歌汾水陽夜泉愁更咽秋日慘無
光纘夏功傳啓興周業繼昌回瞻五陵上烟雨為
蒼

又

順宗
呂溫撰

遐視輕神寶傳歸屬聖猷克功終有待文德本無
憂坐受朝汾水行看告岱丘那知鼎成後龍馭弗
遷

監撫垂三紀聲徽洽萬方禮因馳道著明自墾田
彰滋漸承鴻業從容守太康更留園寢詔恭聽有
餘芳

早秋同輒至晨旆露華滋
挽度千夫咽笳凝六馬
遲劇悲長閑日衣望出遊遲
風起西陵樹淒涼滿
孝思

天

順宗
元稹撰

不改延洪祚因成揖讓朝
謳歌同戴啓過密共思
堯雨露施恩廣梯航會
韓遙號弓那獨切曾感昔
年招

前春文祖廟大舜嗣堯登
及此踰年感還因是月
崩壽緣追孝促業在繼明
興儉詔同今古山川統
灞陵

七月悲風起淒涼萬國人羽儀經巷內輻輳轉城
闌暝色依陵早秋聲入洛新自嗟同草木不識永
貞春

又憲宗
元撰撰

國付重離後身隨十聖仙北辰移帝座西日到虞
泉方丈言虛設華胥事眇然觸鱗曾在宥偏哭墮
髯前

天寶遺餘事元和盛聖功二凶梟帳下三叛斬都
中始服沙陀虜方吞邏逆戎狼星如要射猶有鼎
湖弓

月落禁垣西星橫曉仗齊風傳宮
苦雲拂羽儀
低路隘車千兩橋聲馬萬蹄共嗟封石檢不為報
功泥

又

教宗
劉禹錫撰

寶曆方無限仙期忽有涯事親崇漢禮傳聖法殷
家晚出芙蓉闕春歸棠棣華玉輪今日動不是畫
雲車

任賢勞夢寐登位富春秋欲逐東人幸寧虞祀國
憂長場收羽騎太液泊龍舟惟有衣冠在年七
月遊

講學金華殿親耕鉤盾田侍臣容諫獵方士信求
仙虹影俄侵日龍驤不上天空餘水銀漢長炤衣
燈前

又

文宗
白居易奉勅撰

御宇恢皇化傳家叶至公華夷臣妾內克舜弟兄
中制度移民俗文章變國風開成興貞觀實錄事
多同

晏駕辭雙闕靈儀出九衢上雲歸碧落下席葬蒼
梧冀晚餘克曆龜新啟夏圖三朝聯稼夢從古帝
王無

嚴恭七月禮哀動萬人心地威勝秋氣天愁結夕
陰鼎湖龍漸遠濛記日初沉唯有雲韶樂長留治
世音

化成同軌表清平恩結連枝威聖明帝興九齡雖
吉夢山呼萬歲是虛聲月低儀仗薛蘭路風引笳
簫入栢城老病龍髯攀不及東周退傅最傷情

又

文宗

劉禹錫撰

繼體三才理承顏九族親禹功留海內殷曆付天
倫調露曲常在秋風詞尚新本支方百代先讓棣
華春

月落宮車動風淒儀仗間路唯瞻鳳翼人尚想龍
顏御宇方無事乘雲遂不還聖情悲望處凡日下
西山

又

貞懿皇后 寶叔向撰 后妃傳代宗妃
獨孤氏寵幸專房大曆十年葬進謚貞懿
皇后葬日詔常恭官為挽歌上自選其傷
切者令挽士歌之叔向所進內考首出傳
口諸人

二陵恭婦道六寢盛皇情禮遜生前貴恩追歿後
榮幼王親捧土愛女復連塋東望長如在誰云向

玉京

貞懿生華陽公主先一年
薨其葬也徙主漢祠焉

後庭琴画柳一陌咽青笳命婦羞蘋葉都人插奈

花壽宮星月異仙路往來賒縱有迎神術終悲隔絳紗

辛籤一樂章之八

唐晉統籤卷九百三

梁郊祀樂章十四首

五代會要曰梁開平二

樂曲南郊降神奏慶和之樂舞崇德之舞

皇帝行奏慶順奠玉幣登歌奏慶隆送文

奏慶漸酌獻奏慶融亞獻終獻奏慶休送神

舞迎武舞奏慶融亞獻終獻奏慶休送神

奏慶

和

慶和趙光遠撰辭

就陽位昇圓丘佩雙玉御大裘膺天命擁神休萬

靈感百禱適

秉黃鉞建朱旗震八表清二儀帝業顯王道受

景命啓皇基

開九門懷百神通
盼嚮接氤氲
明樂薦廣樂陳奠
嘉璧燎芳薪

膺寶圖執左契
德應天聖饗帝薦表衷荷靈惠壽
萬年祚百世

惟德動天有感必通
秉茲一德禋於六宗
欽黃寶命恭肅禮容
來顧來享永穆皇風
天惟佑德辟乃奉天
交感斯在昭事罔愆
歲功已就王道無偏
於焉報本是用告虔

慶順

聖皇戾止天步舒遲
乾仁睿相穆仁皇儀
進退必

肅陟降是祗六變克協萬靈協隨

慶平

天命降鑒帝德惟馨享祀不忒禮容孔明奠豆布幣薦純獻精神祐以答敷錫永寧

慶肅

張袞撰詞

籩豆簠簋泰稷非馨懿茲彝器厥德惟明金石匏革以和以平繇此無彊期乎永寧

慶熙

哲后躬享旨酒斯陳王恭無斁嚴祀惟寅皇祖以配大孝以振宜錫景福永休下民

慶隆

恭祀上帝于國之陽爵醴是荷鴻基永昌

慶融

道和氣兮龔氤氲宣皇現兮彰聖神服遐裔兮敷
質文格苗扈兮息烟塵

慶休

大業來四夷仁風和萬國白日體無私皇天輔有
德七旬罪已服六月師方克偉哉帝道隆終始常
作則

慶和

煙燎昇禮容徹誠感達人神悅靈貺彰聖情結玉座寂金爐歌

周郊祀樂章十首

五代史樂志曰太祖廣順

為十二順之樂祭天神奏昭順之樂祭地

祇奏寧順之樂祭宗廟奏肅順之樂登歌

奠玉帛奏感順之樂樂皇皇帝行及臨軒奏忠順

順之樂樂王公出入送文舞迎武舞奏忠順

之樂樂皇帝食舉奏康順之樂樂皇子乾懿出入奏

后入宮奏雍和之樂樂皇太子乾懿出入奏

溫和之樂樂正至皇上帝禮會登歌奏禮順之

樂郊廟俎入奏禋順之樂樂酌獻飲福奏福

順之樂樂祭孔宣父齊順之樂樂酌獻飲福奏福

之樂樂三公升降及行同用忠順之樂樂享籍

順之樂

昭順樂

五兵勿用萬國咸安告功圓蓋受命雲壇樂鳴鳳
律禮備雞竿神光欲降衆目遐觀

治順樂

羽衛離丹闕金軒赴泰壇珠旗明月色玉佩曉霜
寒黼黻龍衣備琮璜寶器完百神將受職宗社保
長安

感順樂

明君陳大禮展幣祀圓丘雅樂聲齊發祥雲色正
浮

禮順樂

黃彝將獻特牲預迎既脩昭事潛達明誠

福順樂

相承五運取法三才大禮爰展率土咸來卿雲祕
室甘泉寶臺象樽初酌受福不回

福順樂

昊天成命邦國盛儀多士齊列六龍載馳壇升泰
一樂奏咸池高明祚德永致昌期

福順樂

上天垂景既哲后舉鸞觴明德合方祚邦家萬世
昌

忠順樂

木鐸敷音文德昌來千成列武功彰雷鼗驚羽今
休用玉戚相泰正發揚

武舞樂

圭瓚方陳禮干旋乃象功成文非羽籥猛勢若羆
熊

昭順樂

雲門孤竹蒼壁黃琮既祀天地克配祖宗虔脩盛
禮仰答玄功神歸碧落福降無窮

辛籤一樂章之九

唐晉統籤卷九百三

梁宗廟樂舞辭十一首

五代會要曰梁開平

享太廟樂迎神舞開平二年正月太常奏定

之樂酌獻奏慶融熙飲福酒奏慶隆送文舞

迎武舞奏慶融亞獻終獻奏慶隆送文舞

曰梁宗廟樂迎神舞開平二年正月太常奏定

帝盟次登歌獻肅祖奏來儀之舞烈祖奏昭德

象功之舞憲祖奏來儀之舞烈祖奏昭德

之舞次飲福次奏肅祖奏來儀之舞烈祖奏昭德

撤豆次送神次奏肅祖奏來儀之舞烈祖奏昭德

開平舞

泰稷馨醑禮清牲粢潔金石鏗恭祀事結皇情神

來格歌頌聲

皇帝行

莫高者天，攀躋勿克。躋天有方，累仁積德。祖宗隆
之子孫，履之配天。明祀永永，孝思。

帝鹽

莊肅莊事，周旋禮容。裸鬯嚴潔，穆々雍雍。

登歌

於赫我皇，建中立極。動以武功，靜以文德。昭事上
帝，歡心萬國。大報嚴禋，四海述職。

大合舞

於穆皇祖，濬哲雍熙。美溢中夏，化被南陲。后稷累
德，公劉創基。肇興九廟，樂合來儀。

象功舞

天地合德睿聖昭彰累贈太傅俄登魏王雄名不朽奕葉而光建國之兆君臨萬方

來儀舞

於赫帝命應天順人亭育品彙賓穆百神洪基永固景命惟新肅恭孝享祚我生民

昭德舞

肅乂文考源濬派長漾稱誕季周實生昌奄有四海超彼百王笙鏞迭奏禮物熒煌

飲福

夏玉擬金永頌聲縈絲孤竹和且清靈歆醉止犧
象盈自天降福千萬齡

撤豆

笙鏞洋洋庭燎煌煌明星有烟祝史下堂蓬豆斯
撤禮容有章克勤克儉無怠無荒

送神

其降無從其往無蹤黍稷非馨有感必通赫奕令
德髣髴睟容再拜恍惚遐想昊穹

後唐宗廟樂舞辭

唐錄曰後唐並用唐樂

辭懿祖室奏昭德之舞獻祖室奏文明之舞太祖室奏應天之舞昭宗室奏永平之

舞莊宗室奏武成之舞
明宗室奏雍熙之舞

昭德舞

懿彼明德赫々煌々名高閭域功著旂常道符休
泰運叶祺祥慶傳萬祀以播耿光

文明舞

帝業光揚皇圖翕赫聖德孔彰神功不測信及豚
魚恩霑動植懿範鴻名傳之萬億

應天舞

晉國肇興雄圖再固黼黻帝道金玉王度皇天無
親惟德是輔載誕英明永光聖祚

永平舞

慶傳贊祚位正瑤圖功宣四海化被八區靜彰帝
道動合乾符千秋萬祀永荷昭蘇

武成舞

崔居儉撰詞

艱難王業返正皇唐先天載造却日重光漢銘世
祖夏資少康功成德茂率祀無疆

雍熙舞

盧文紀撰詞

仁君御宇寰海謚清運符武德道協文明九成式
叙百度惟成金門積慶玉葉傳榮

漢宗廟樂舞辭六首

五代史樂志曰漢宗廟酌戲樂舞文祖室奏靈

長之舞德祖室奏積善之舞翼祖室奏顯
仁之舞顯祖室奏章慶之舞高祖室奏觀
德之舞唐餘錄曰高祖追尊四祖廟且遠
引漢之二祖為六室張昭因傳會其祖乃
曰太祖高皇帝創業垂統室奏武德之舞
世祖光武皇帝再造丕基室奏大武之舞
自如其舊而大武即用東平王蒼詞云
武德舞

明明我祖天集休明神母夜哭彤雲晝興澶豆有
踐管籥斯登孝孫致告神其降靈

靈長舞

天降祥漢祚昌火炎上水靈長建廟社潔蒸嘗羅
鐘石儼珩璜陳玉豆酌金觴氣昭威德馨香祇洛

月華新集
油瞻晉陽降吾祖福祿

積善舞

黍稷斯馨祖德惟明蛇告赤帝龜謀大橫雲行雨
施天成地平造我家邦幹我璿衡陶匏在御醴盎
惟精或慶或擊載炮載烹飲福受胙舞降歌迎滔
滔不竭洪惟水行

顯仁舞

運極金行謝天資水德隆禮神廊時館布政未央
宮詰旦備明祀登歌答茂功雲軒臨降久星俎薦
陳豐藹々沈檀霽鏘々環珮風熒煌升藻藉眎璽

轉珠纓尊祖咸韶備貽孫書軌同京坻長有積宗
社享無窮

章慶舞

果懸曉唱雞人三牲八簋斯陳霧集瑤階瑣闥香
生綺席華茵珠佩韶璫熠燿羽旄千戚紛淪酌鬯
既終三獻凝旒何止千春阿閣長樓綵鳳郊宮疊
奏祥麟赤伏英靈未泯玄珪運祚重新玉笋犧樽
漱灑龍旂鳳輅逡巡瞻望月游冠冕猶疑蒼野回
輪

觀德舞

張昭撰詞

高廟明靈再啓圖金根玉輅幸神都巢阿丹鳳銜
書命入昂飛星獻寶符正換薰絃娛赤子忽登仙
駕泣蒼梧屬櫻鶴館笳簫咽酌鬯金楹劍珮趨星
俎雲璈兼魯禮朱干象箭雜巴渝氤氲龍麝交青
瑣髣髴錫鑾下藍珠薦豆奉觴親玉几配天合祖
耀璿樞受釐飲酒皇歡洽仰仗餘靈泰九區

周宗廟樂舞辭

唐餘錄曰周宗廟樂降神奏

室奏建雍之舞德祖室奏觀成之舞太祖
室奏明德之舞世宗室奏定功之舞酌獻
登歌奏威順迎俎奏禮順飲福奏福順送
文舞迎武舞奏忠順武舞奏善勝歌俎奏
禮順送神
奏廟順

肅順

我后至孝祇謁祖先仰瞻廟貌夙設宮縣朱絃疏
越羽舞回旋神其來格明祀惟虔

治順

清廟將入袞服是依載行載止令色令儀永終就
養空極孝思瞻望如在顧復長違

肅雍舞

周道載興象日之明萬邦咸慶百穀用成於穆聖
祖祇薦鴻名祀于廟社陳其犧牲進旅退旅皇舞
之形一倡三歎朱絃之聲以妥以侑既和且平至

誠潛達介福攸寧

章德舞

清廟新展嚴禋恭祖德厚人倫雅樂薦禮器陳儼
皇尸列虞賓神如在聲不聞享必信貌惟黃想龍
服奠犧樽禮既備慶來臻

善慶舞

卜世長帝祚昌定中國服四方修明祀從舊章奏
激楚轉清商羅俎豆列簪裳歌釁々容皇々望來
格降休祥祝敢告壽無疆

觀成舞

穆々王圖奕々神功懋祀載展明德有融彝樽斯
滿簋簋斯豐紛紜旌羽鏘洋磬鐘或昇或降克和
克同孔惠之禮必肅之容錫以純嘏祚其允恭神
保是饗萬世無窮

明德舞

惟彼岐陽德大流光載造周室澤及遐荒於鑠聖
祖上帝是皇迺聖迺神知微知章新廟奕々豐年
穰々取彼血膋以往蒸嘗黍稷惟馨籩豆大房工
祝致告受福無彊

咸順

萬舞咸列三階克清貫珠一倡擊石九成觴雖盈
酌靈坐無形永懷我祖達其孝誠

禋順

旨酒既獻嘉猷乃迎振其鼗鼓潔以銅羹肇禋肇
祀或炮或烹皇尸儼若保饗是明

福順

新廟奕々金奏洋洋享于祖考循彼典章清酤特
滿嘉玉騰光神醉既告帝祉無彊

忠順

稱文既表溫柔德示武須成蹈厲容綴眊疾舒皆

應節明明我祖樂無窮

善勝舞

五代史樂志曰周廣順元年改郊廟朝會舞名乃改漢治安為政和

之舞振德為善勝之舞觀象為崇德之舞講功為象成之舞

聖祖累功福鍾來裔持羽執干舞文不廢

裡順

禮畢祀先香散几筵罷舞千戚收撤豆籩

肅順

樂奏四順福受萬年神歸碧天庭餘瑞炁

辛籤一樂章之十

唐音統籤卷

九百三

晉朝饗樂章

五代會要曰晉天福四年十二月

樂酒奏玄昭德之樂皇帝三欲皆奏又同之

樂坐奏大昭德之樂其辭並崔稅昔造唐餘帝

錄曰天福五年十一月冬至朝羣臣舉觴

奏玄同三爵登歌奏文同四爵登歌作羣

臣飲宮懸樂作又奏通茲及霓裳法曲以

須食畢於時衆聞茲法曲雅鄭雜禱固已

非之明年正旦上壽登歌發聲悲雜禱固已

如虞殯薤露之音

觀者以為不祥

初舉酒文同樂

赫矣昌運明哉聖皇文興隆典禮復舊章駕鸞濟

濟島獸踰七一人有慶萬福無彊

舉酒

大明御宇至德動天君臣慶會禮樂昭宣劍佩成
列金石在懸枌觴再獻寶歷萬年

再舉酒

朝野無事寰瀛大康聖人有作盛禮重光萬國執
玉千官奉觴南山永圖地久天長

四舉酒

八表歡無事三秋賀有成照臨同日遠渥澤並雲
行河變千年色山呼萬歲聲願修封岱禮方以稱
文明

羣臣酒行歌三首

劍佩儼如林齊傾拱北心
渥恩頒美祿咸獲聽和
音一德君臣合重瞳日月臨
歌時兼樂聖唯待贊
泥金

萬國咸歸禹千官共祝堯
拜恩瞻鳳宸傾耳聽雲
韶運啓金行遠時和玉燭調
酒酣齊抃舞同賀聖
明朝

令節陳高會群臣侍御筵
玉墀留愛景金殿藹祥
烟振鷺涵天澤靈禽下樂懸
聖朝無一事何處讓
堯年

周朝饗樂章

唐餘銀四周年正冬至朝饗樂

群臣上壽奏福順皇帝舉壽酒登歌奏康順群臣降階公卿出並奏忠順

忠順

歲迎更始節及朝元冕旒仰止冠劍相連八音合奏萬物齊宣常陳盛禮願永千年

忠順

明君當宇列群奉觴雲容表瑞日影初長衣冠濟濟鐘磬洋洋令儀克盛嘉會有章

治順

庭陳大樂坐當太微凝旒負宸端拱垂衣駕鸞成

列簪組相輝御爐香散郁々霏々

福順

聖皇端拱多士輸忠蠻觴共獻臣心畢同聲齊嵩
嶽祝比華封千齡萬祀常保時雍

康順

鴻鈞廣運嘉節良辰列辟在位萬國來賓千旋屢
舞金石咸陳禮容既備帝履長春

忠順

禮成三爵樂畢九成共離金祀復列彤庭

忠順

明庭展禮為龍為光咸韶息韻鸛鷺歸行

晉昭德成功舞歌唐餘錄曰晉天福五年詔有司復修正至朝會二舞

之制以文舞為昭德之舞武舞為成功之舞

舞十一月冬至遂奏之於時二舞久廢衆喜於復興而樂工舞有雜取教坊以足之聲節靡曼綴此合節無遠促連連之累及

明年正月旦再奏聲容臨厲道退無列議若非之

昭德舞歌二首

聖代修文德明庭舉舊章兩階陳羽籥萬舞合宮

商劍佩森鸞鷺韶下鳳凰我朝青史上千古有

輝光

淮海干戈戢朝廷禮樂施白駒皆就繫丹鳳復來

儀德備三苗格風行萬國隨小臣同百獸率舞賀
昌期

成功舞歌二首

撥亂資英主開基自晉陽一戎成大業七德煥前
王炎漢提封遠姬周世祚長朱干將玉戚全象武
功揚

睿筭超前古神功格上圓百川留禹跡萬國戴堯
天既已縶弓矢誠宜播管絃踰七隨鳥獸共樂太
平年



辛籤二雜曲之一

唐音統籤卷

九百三十七

大酺樂

樂苑曰商調曲也
高宗朝張文收造

淚滴珠難盡容殘玉易銷儻隨明月去莫道夢魂

遠

如意娘

商調曲則天
皇后所作

看朱成碧思紛紛憔悴支離為憶君不信比來長

下淚開箱驗取石榴裙

回波樂

商調曲蓋出於曲水引流
情云中宗時造誤則天時已
賜郭茂

玉一詞矣第中宗內宴侍臣優伶競此
獨盛行耳時惟諫議大夫李景伯所歎得

現諷旨錄之以存一體

回波爾時酒危微臣職在歲規侍宴既過三爵誼

詳

儀

桃花行

中宗朝侍臣李嶠等造初張仁壘自
賦方入朝帝宴之西苑之桃花園命
善歌者唱之詞既婉媚歌仍妙絕梁府號

善歌者唱之詞既婉媚歌仍妙絕梁府號

歲去無言忽顚顚時來含笑吐氛氲不擁路迷

仙客故欲開蹊侍聖君

李嶠

綺萼成蹊遍籐芳紅英撲地滿庭香莫將秋宴傳

王母來比春華壽聖皇

李義

源水叢花無數開并耐紅萼間青梅從今結子三

千歲預喜仙游復摘來

徐夢伯

桃花灼灼有光輝無數成蹊點更飛
為見芳林含笑待遂同溫樹不言歸

蘇頌

紅萼競妍春苑曙粉茸新向御筵開
長年願奉西王宴近侍慙無東朔才

趙彥昭

十五日夜御前踏歌詞

張說撰

花萼樓前雨露新長安城裏太平人
龍銜火樹千重艷雞踏蓮花萬歲春

帝宮三五戲春臺行雨流風莫妬來
西域燈輪千影合東華金闕萬重開

蘇摩遮五

首潑寒胡戲所歌
有和聲張說撰

摩遮本出海西胡琉璃寶服紫髯鬚聞道皇恩遍

宇宙來將歌舞助歡娛

億歲樂

繡裝帕額寶花冠夷歌騎舞借人看自能激水成

陰氣不慮今年寒不寒

億歲樂

臘月凝陰積帝臺豪歌急鼓送寒來油囊取得天

河水將添上壽萬年杯

億歲樂

寒氣宜人最可憐故將寒水散庭前惟願聖君無

限壽長取新年續舊年

億歲樂

昭成皇后帝家親榮樂諸人不比倫往日霜前花

委地今年雪後樹逢人

憶歲樂

舞馬詞

唐禮樂志玄宗每燕設醺會及千秋節盛陳聲樂勤政樓下內閣廐引蹀

馬百匹歌傾杯樂曲馬奮首鼓尾縱橫應節又施三層絞牀乘馬而上并舞如飛其

詞多亡僅存張說撰進詞前後九首

萬玉朝宗鳳宸千金率領龍媒眄鼓凝驕蹀躞聽

歌弄影徘徊

聖代昇平樂

天鹿遙徵衛叔日龍上借羲和將共雨驟爭舞來

隨八駿齊歌

聖代昇平樂

綵旄八佾成行時龍五色因方屈膝銜杯赴節傾

心獻壽無疆

四海和平樂和

帝阜龍駒沛艾星蘭驥子攢奇騰倚駭洋應節繁

驕接迹不移

四海和平樂和

二聖先天合德羣靈率土可封擊石駟驪紫燕攢

金顧步蒼龍

四海和平樂和

聖君出震應籙神馬浮河獻圖足踏天庭鼓舞心

將帝樂跼蹢

四海和平樂和

舞馬千秋萬歲樂府詞

金天誕聖千秋節玉醴還分萬壽觴試聽紫騮歌

樂府何如騶驥舞華岡連騶勢出魚龍變蹀躞驕

生鳥獸行歲上相傳指樹日翻上來伴慶雲翔

聖皇至德與天齊
天馬夾儀自海西
腕足徐行拜
兩膝繁驕不進踏
千蹄鬚鬚奮鬣時
躡踏鼓怒驤
身忽上躋更有銜
杯終宴曲垂頭掉
尾醉如泥
遠聰明君愛逸才
玉鞭金翅引龍媒
不因茲白人
間有定是飛黃天
上來影弄日華相
照耀噴含雲
色且襄徊莫言闕
下桃花舞別有河
中蘭葉開

清平調三首

唐禮樂志清調平調房中樂遺

重太芍藥會花方繁開帝乘聲夜白太真
妃以步聲從李龜年以歌擅一時之名帝
曰賞名花對妃子馬用舊樂辭為遂命白
作清平調辭三章令梨園弟子畧撫絲竹
以促歌帝自調
玉笛以倚曲

雲想衣裳花想容春風拂檻露華濃若非群玉山
頭見會向瑤臺月下逢

一枝紅艷露凝香雲雨巫山枉斷腸借問漢宮誰
得似可憐飛燕倚新妝

名花傾國兩相歡長得君王帶笑看解釋春風無
限恨沉香亭北倚欄杆

宮中行樂詞八首

李白奉
詔撰

小小生金屋盈盈在紫微山花插寶髻石竹綉羅
衣每出深宮裏常隨步輦歸只愁歌舞罷化作綵
雲飛

柳色黃金嫩梨花白雪香玉樓巢翡翠金殿鎖鴛鴦
選妓隨雕輦徵歌出洞房宮中誰第一飛燕在
昭陽

盧橘爲秦樹蒲萄出漢宮烟花宜落日綠管醉春
風笛奏龍鳴水簫吟鳳下空君王多樂事何必向
回中

玉樹春歸日金宮樂事多後庭朝未入輕輦夜相
逼笑出花間語嬌來燭下歌莫教明月去留著醉
姮娥

繡戶香風暖紗牕曙色新宮花爭笑日池草暗生

春綠樹間歌鳥青樓見舞人昭陽桃李月羅綺
生塵

今日明光裏還須結伴遊春風開紫殿天樂下珠
樓艷舞全知巧嬌歌半欲羞更憐花月夜宮女笑
藏鉤

寒雪梅中盡春風柳上歸宮鶯嬌欲醉簷燕語還
飛遲日明歌席新花艷舞衣晚來移綵仗行樂泥
光輝

水綠南熏殿花紅北闕樓鶯歌聞太液鳳吹遠瀛
洲素女鳴珠佩天人弄綵毬今朝風日好宜入未

夾漈

太平樂二首

樂苑曰太平樂商調曲也元和中白居易奉敕撰太平樂小

曲新詞閨怨詞共七首

歲豐仍節儉時泰更銷兵
聖念常如此何憂不太平

湛露浮堯酒熏風起舜歌
願同堯舜意所樂在人
和

小曲新詞二首

霽色鮮宮殿秋聲脆管絃
聖明千歲樂歲々似今
耳

紅裙明月夜碧殿早秋時好向昭陽宿天涼玉漏遲

閨怨詞三首

朝憎鶯百轉夜妬燕雙棲不慣經春別唯知到曉啼
珠箔籠寒月紗牕背曉燈夜來巾上淚一半是春冰
關山征戍遠閨閣別離難苦戰應顛顛寒衣不要寬

天長久詞五首

盧倫作
有和聲

天砌紅花樹香風不敢吹春光解天意偏發殿南

枝

天長久
萬年昌

虹橋千步廊半在水中央天子方清暑宮娃起夜

粧

天長久
萬年昌

辭輦復當熊傾心奉六宮君王若看貌甘在衆妃

中

天長久
萬年昌

雲日呈祥禮物殊彤庭生獻五單于塞垣萬里無

飛鳥可在邊城用郅都

臺殿雲涼風日微君王初賜六宮衣樓船泛罷歸

猶早行遣才人關射飛

皇帝感詞四首 盧綸

提劍雲雷勅垂衣日月明
禁花呈瑞色國老見星精
發棹魚先躍窺巢鳥不驚
山呼一萬歲直入九重城

天衣五鳳彩御馬六龍文
而露清馳道風雷翊上軍
高旂花外轉行漏樂前聞
時見金鞭舉空中指瑞雲

妙算干戈止神謀宇宙清
兩階文物盛七德武功成
校獵長楊苑屯軍細柳營
歸來獻明主歌舞溢春城

天樂下天中雲輶儼在空
鈴黃艷河漢語突合笙
鏞已見長隨鳳仍聞不避熊
君王親試舞閭闔靜
無風

昇平樂十首

薛能撰
昇平樂商
唐會要曰
調曲也

正氣逸宮樓皇居信上游
遠岡延聖祚平地載神
州會合皆重譯潺湲近
八流中興豈假問據此自
千秋

寥泚敞延英朝班立位橫
宣傳無草動拜舞有衣
聲駕瓦雲消涇蟲絲日照
明辛勤自不到遙見似
前生

處。足歡聲時康歲已深不同三尺劍應似五絃
琴壽笑山猶盡明嫌日有陰何當憐一物亦遣
愁吟

曙質絕埃氛彤庭列禁軍聖顏初對日龍尾競緣
雲珮響交成韻簾陰暖帶紋逍遙豈有事於此詠
南薰

一物至周天洪纖盡晏然車書無異俗甲子並豐
年奇技皆歸朴征夫亦服田君王故不有台鼎合
韋賢

日日聽歌謠區中盡祝堯蟲蝗初不害夷狄近全

銷史筆惟書瑞天臺絕見祇因令匹夫志轉欲事
清朝

品物盡昭蘇神功復帝謨他時應有壽當代且無
虞賜曆通遐俗移關入半胡鵲鵲一何幸於此寄
微軀

無戰復無私堯時即此時焚香臨極早待月卷簾
遲端拱乾坤內何言黜績垂君看明聖驗只此是
神龜

旭日上清霄明堂坐聖聰衣裳承瑞氣冠冕益重
瞳花木經霄露旌旗立仗風何期於此地見說似

仙宮

五帝三皇主蕭曹魏邴臣文章惟反朴戈甲盡生
塵諫紙應無用朝綱自有倫昇平不可紀所見是
閒人